

**Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneranik Inatsisartut inatsisaat nr. xx af xx. xxxx 2010-meersoq.**

**Saqqummiussissut**

(Aningaasaqarnermut Naalakkersuisoq)

**1. siullermeerinnineq**

Naalakkersuisut sinnerlugit akileraaruserinermik ingerlatsineq pillugu inatsisip allanngortinneqarnissaanik siunnersuut matumuuna saqqummiutissavara.

Inatsisartut 2009-mi ukiakkut ataatsimiinneranni oqaaluserisassani immikkoortoq UKA 2009/138-imi amerlanerussuteqartut akuersissutigaa, tamannalu malillugu akileraarpallaarutinit utertoortisiat tunniunneqartarnerannut atatillugu erniat 4 procentiniit 2 procentinut appartinneqassalluni. Inatsimmut siunnersuut aalajangersakkamut tamatumunnga malitseqartitsineruvoq ukiumut aningaasarsiorfiusumut 2009-imut tunngatillugu utertitsinissamut atuutilertussatut.

Kalaallit Nunaanni eqqartuussisarneq pillugu inatsisip nutaap atuutilerneratigut eqqartuussiveqarnermi suliat suliarineqaqqaartarfiat nutaaq eqqunneqarpoq, tassalu Kalaallit Nunaanni Eqqartuussivik. Tamatumunnga peqatigitillugu Nunatta Eqqartuussiviani suliaasaat allanngortinneqarput, taamaasilluni nunatta eqqartuussiviata maanna suliat kredsrettimi imaluunniit Kalaallit Nunaanni Eqqartuussivimmi suliarineqaqqaarfittut suliaasimasut suliareqqitassanngortitsivittut suliarisassallugit. Inatsimmut siunnersuummi siunnerfigineqarportaaq tamatumuuna eqqartuussiveqarnerup aaqjissuussaanerata allanngorneranik pilersitaasoq naleqqersuuffiginissaa, taamaasilluni Skatterådip aaliangiineri Kalaallit Nunaanni Eqqartuussivimmi suliarineqaqqaarfittut suliarineqarsinnaanngorlugit.

Samatumalu saniatigut siunnersuutigineqarpoq Inatsisartut inatsisaanni oqaatsit atorneqartut Namminersorluni Oqartussaanermut ikaarsaariarnerup kingunerisaanik allanngortinneqassasut.

Taamatut oqaaseqarlunga Naalakkersuisut sinnerlugit siunnersuut Inatsisartuni akuersaartumik suliarineqarnissaanut aammalu Akileraartarnermut Akitsuusiisarnermullu Ataatsimiititaliami suliarineqareernermini aappassaaneerlugu suliarineqarnissaanut ingerlateqqippara.